

Abonnement pour un an:

250 piastres

Edition spéciale 300 piastres

Adresse:

Idjtihad Constantinople

Téléph-St, 865

XXème ANNÉE

Février 1925 — No 174

اجتهاد

فلسفی ، اجتماعی ، ادبی ، اقتصادی مجموعه

آلومان: سنه لکي [۲۱ نسخه]

داخل المچون ۰۲ خارج المچون

۲ ۱/۴ اعلا کاغذایی ۵ ایرادر .

اداره خانه سی

جمال اوغلانده « اجتهاد » نوی

تلفون : استانبول ۸۶۵

یکرمنجی سنه

نومرو ۱۷۴ - ۱ شباط ۱۹۲۵

مدنیتک زبده سی اخلاق در .

مصرم وادعا ایدرم که مدنیتک تکاملات حسنیه []
و تاریخیه سی و عصرمزمک معظم قوه مادیه سی مدنیتک
اساسی تشکیل ایده مزم . مدنیتک اساسی یروزنده یشایان
افراد و اقوامک تمایلات ذهنیه و حسیات اخلاقیه سنه
مربوطدر . باشقه بتون شیلر مدنیتک اطراف و اغصانی
تشکیل ایدر ، زبده و کهنی تشکیل ایده مزم . تکاملات
فکریه و حسنیه و مادیه نک تأثیرات حقیقیه سی ، انجاق حقیقی
برذهنیت اخلاقیه اوزرینه مؤسس اولان مدنیتده ظاهر
اوله بیلیر . انسان انجاق صاحب اخلاق اولمغه جالیشماق
سایه سنده کندی قیمت ذاتیه سنه مالک اوله بیلیر ، و شرک
بشریه نک متفرق علاقه لری انجاق اخلاق تأثیری آلتنده
تنظیم ایدیه بیلیر . ترقیات فکریه نه قدر معظم اولسه ده
اخلاق پره نسبی ناقص اولدینی تقدیرده مدنیت بناسی
یقیلیر . زمانمزمک افکار عمومیه سنی مدنیت حقنده جاری
تصورات سطحیه دن آزاده برحاله ارجاع ایتدکجه مدنیتمزمی
قوتلی براساس اوزرینه بنا ایتمک قابل اولمیه جق در .

مدنیتی ساده جه شویله آکلاته بیلیر . مدنیت ، آری و
مجمع انسانلر حالتده کندی کندمزمی جنس بشرک تکاملنه ،
و همدارنده بشریتک حقیقی ترقیسنه تخصیص ایتمک
ذهنیتندن عبارتدر بو ذهنیت ، حیاتی تقدیر ایتمک
حسیله مشبوع اولورلر ، و بوغایه نک قوه دن فعله حقیقناسی
ایچون حیات بشریه خدمت ایتمک تخصیص نفس ایدرلر سه
مدنیت میدانه گلشن اولور .

(*) حسنی Esthétique نر حسنیاتی بدیمیه ترحیح ایدیورزه . چه

آلمان بیوک فیلسوف (دوکتور آ . شوایزره
Dr A Schweizer) کچن سنه (مدنیتک انقراضی
و احیاسی) سرلوحه لی برکتاب نشر ایتدی ؛ (شوایزره)
بیوک بر فیلسوف اولمقه برابر ، بیوک بر مؤرخ ، بیوک
بر موسیقیشناس و بیوک بر طبیب و جراح درده . بو ذات بر
قاچ آی اول (لوندره) یی زیارت ایتدیکی صره ده ،
انکلترونک الک بیوک اولو کلیسایسنده قلوبه روحانی بر
بر موسیقی ضیافتی چکمه یه صورت مخصوصده دعوت
اولندی . عظیم برجم غفیر اونی دیکله مکله ذوقیاب اولدی ،
فقط (آلبرت شوایزره) هرشیدن زیاده بیوک بر انسان
پروردر . برقاچ سنه اول بو حسن انسان پرورانه سی اوله
غلیانه کلدی که آلات و ادوات جراحیه سنی طوبیلا دی ،
و خانه و وطنی ترک ایدره رک وحشی قبیله لره خدمت ایتمک اوزره
مرکزی آفریقاه کیتدی . بوکون حالا اوراده در .
اوبچاره انسانلرک دردلرینی تدایوه سسی ایتمکده در .
(شوایزره) ک کتابی فی الحقیقه تقدیره شایاندر ، چونکه
جدی حیاتک بر ترجمانی در آتیده کی فقر دلر مومی الیهک
کتابندن تلخیصاً ترجمه ایدلشددر . شویله بیان افکار ایدیور :

مدنیتک اساسی اخلاق در . بونی سویله مکله ، زمانمزمک
ماده پرست مسلکسنه آلیشمش نیجه کیسه لره حیرت و بلدکه ده
نفرت ویره جکمی بیلیرم . بن هم بر صنعتکار ، هم بر
مؤرخ اولام حسیله مدنیتک عناصر حسنیه و تاریخیه سنه
واقف ، و بر طبیب و جراح اولام طولایسیله عصرمزمک
ترقیات علمیه و مادیه سندن خبردارم . مع هذا شوقنا عتمده

بوکونکی ذهنیتیز ایسه بوتدن کلیا فرقی در . ایوم مدینتک انقراضی علائی آلتنده بولونیورز . بووضعیت بویوک حرب نتیجهسی اوله رق میدان کلمی . بویوک حرب بوتون دهشتیه انجاق بووضعیتک خارجی برتجلیسی ایدی اصل سبب ، حاکم اولان فنا ذهنیت ایدی . مدینتک نه اولدیفنی جیلاً دوشونمیدیکمز ایچون ، مدینتک شاهراهندن طیشاریه چیققدق ، وسفنه من مدهش کردابلرله طولو برجریان اوزرنده سوروککنیور . مدینتمزک عصرلردن بری سائی اولان اخلاقی و روحانی قوتلرک موجودیتنی اونوتدق . حیات اخلاقیه نك علویتنی وعامل ترقی اولدیفنی تعمیق ایتدک . بوسبیدن اخلاقی مفکورلر ایله حیات جاریه مزک علاقہسی منقطع اولدی . و نتیجه مدینتک اضمحالی اولدی .

ایوم الکبویوک تهلکه بوراده در . انسانلر کندی انسانلقلرینی اونوتق تهلکه سنده درلر . انسانلرک یکدیگرلرله اولان علاقہ طبیعیسی پک مشکل بر وضعیت آلمشدر . احوال عمومیه همجنسمره طوغری واجب اولان تمایلیری بزه اونوتدیرمشدر . انسانیتسزک طریقده آدیملر آتمیه باشلامشدر . هر زده ، برانسان ، انسان اولماسی حسیله توجه و حرمتمزه موضوع اولمقدن اوزاق قالمشسه ، اوراده مدینت و اخلاق تزلزله اوغرامش دیمکدر ، و تماماً انسانیتسزکده اصل اولق آرتق انجاق وقت مسئلهسی در صوک الی سنه نك احوالی بونی کوسترمکه کافیدر . هیئت اجتماعیه من هپ انسانلره برانسان قیمتی ویرمکدن فراغت اتمشدر . نوع بشرک برچوق قسملری ، انجاق انسان شکلنده کراسته حاله اقراغ ایدلمشدر . حرب و ظفر سوزلری دیلدرده قولای قولای دولاشه بیلور بزه ، هر فردده انسان اولاراق باقق و برانسان قیمتی ویرمک فکری اولسهیدی بوناصل اوله بیلردی ؟ بوسه بیلدرکه بیوک حرب ظهور ایدینجه درونمزده کی بو انسانیتسزک حسی بوتون چیرکینلیکی ایله سربست جولانه باشلادی . بوکون مکتبلرده و عموم درس کتابلرنده بیله وظیفه انسانیت نسیان کوشه سنه آتش کبیدر . حالبوکه شخصیتک تربیه سنده الک مهم خصوص ، بومقدس حس انسانیتک تنیه سی اولمیدر .

عجبا بوباربارلق طریقتدن خلاص اوله رق یینه مدینتک شاعرانه ناصل داخل اوله بیایرز ؟ بوسه اوله جوابمز بودرکه بونجات انجاق فردلرده یکی بر اخلاق انتباهی ایله ممکن اولایلر . تام حقیقتی پروباغاندا جیلرک کوسترمک ایستدیک حقیقتدن تفریق ، و حقیقتی تام اولدیفنی کبی ادراکه مقتدر اولمی یز . طار وطنپرورلکی قالدیروب او موقع بالایه بوتون نوع بشری محیط یوکسک وطنپرورلک حسنی اقامه ایتلی بر . مدینتک ، منحصر بر ملت عائد اولمیوب بوتون انسانلرک مالی اولدیفنی بیللمی یز . انسانیتک وحقه قترورلک مفکورلری آیاقلر آلتده چیکشندیکی شو زمانده ، بوتون ملتلی برمدیت ، و بوتون انسانلری برمدنی انسان مفکوردهسی ایله احیایه غیرت ایتلی یز . بونک ایچون هر فرد اویانق کرکدر . اخلاق مفکوره . مزنی هیچ برصورتله پایمال ایتیم . انسانیت حسی بزم الک مقدس رهبرمز اولسون . مدینتک زبده سی اخلاقدر . تلخیصاً مترجمی : پروفه سسورل . لطفی

اوقور یازار نسبتی

بو عنوانله محترم احمد جودت بک ۱۱ تشرین اول ۱۹۲۴ تاریخلی (اقدام) ده برباش مقاله یازدی . بونک الک مهم فقره لرینی نقل و اجتهاد قارئلرینک نظر ملاحظه سنه عرض ایدیورم . بوموضوع یکرمی بش سنه دنبری بزی ده مشغول ایدر . (اجتهاد) ک قولکسیونه مالک اولانلر بودرددن شایقی همان هر نسخه ده بولورلر . احمد جودت بک یالکیز معارف جهتی درپیش ایتمشدر . بوندن دها آرمهم اولمایان برده صحت عمومیه ونفوس جهتی واردر . ۱۳۲۶ تاریخنده (اینه کول) اخذ عسکر شعبه سنده اطباء عسکریه طرفندن اجرا قیلینان معاینه طبییه نتیجه سنده اسنان عسکریه ده داخل آلتی یوز کنبجدن یالکیز اون آلتسینک سالم متباقسینک پیس بر خسته لغه مصاب اولدیفنی کورولدیکنی ارکان حربیه قائمه قاملرندن و محترم آرقاداشلرمدن باطوملو قائمه مقام مصطفی رها بک افندی یانه یاقیله آکلا تمشدی . معارف ایشی ، صحت عمومیه